

النخبة المصرية

يا مصر حظك ف الثَّخَبُ
نخبوا عقول ناسك
فارشين طريق الناس صَخَبُ
يحتار معاهم عقلنا
ويكفروا الناسك
ماسكين سكاكين الكلام
بيقطَّعوا ف راسك
مبيقيتش فاهم يا أميرة ...
هما عايزين إيه !!!
عايزينا نمشي للشمال ؟
واللا اليمين ؟
واللا محلك سر ؟
بينى وبينك يا بلد
وهقول كلام مش سر

عايزينا نمشي ف الطريق لكن ...

لخلفك دُرْ

نرجع لخيرك يتنهب

واحنا ندوق المر

لو كانوا باعوا يابلد لساكي شاريهم!؟؟

بيعي اللي باعك يابلد

دوسي اللي يوم داسك

الدنيا مش مستحمله

ترضي اللي مش راضين

دا كل حته ف هدمتك

فيها واحد ماسك

بيشد فيكي ف ناحيته

بالدنيا أو بالدين

لمي هدومك يا أميرة عشان ماتتعريش

خلليكي ويا الغلبانين

دُول هَمَّا رِيحَة زَهْرَتِكَ
دُول مَيَّتِكَ فِ النِّيلِ
مِنْ غَيْرِهَا مَا يَجْرِيشِ
هَمَا الْعَيُونُ السَّلْسَبِيلِ
هَمَا اللَّي شَائِلِينَ الْحَمُولِ
عَنْهُمْ مَا تَسْتَغْنِيشِ
حَاوَلِي فِ مَرَّةٍ تَسْمَعِي
صَوْتِ اللَّي مَا يَبْشِكِيشِ
وَلَا صَوْتِهِ طَائِرِ عِ الْهَوَا
وَلَا يَوْمِ عَرَفَ لَهُ سَبِيلِ
لَكِنَّهُ شَائِلِكَ فِ الْفَوَادِ
وَيُضْحِي حَتَّى بِالْوَلَادِ
عَلْشَانَ مَا تَهْزِيشِ
أَصْلَهُ مَا هَوْشِ مِنْ نُحَيْتِكَ
يَا نَكَيْتِكَ ... فِي نُحَيْتِكَ

ما بتستحيش من جرح إحساسيك

يا مصر ما تزعليش

ياما عليكي مَر

واقفي شوية وفكري

الخطوة فين هانمر

سوِّي غيطانك وازرعي

أملك ف قلب الناس

وسيبي غاوبين الكلام

دون اهتمام

واخمي اللي شال فاسك

أصل انتي حظك ف النَّحْبُ

نخبوا عقول ناسك

ماسكين سكاكين الكلام

بيقطعوا ف راسك